



ŠÁHKKABUDDU

Rolf A. Olsen bokte

Ovddit nummaris oahpaimet mo šáhkkgáhppalagaid galga sirdit ja mo spealu sáhtta álggahit.

Gievrramus gáhppalat lea ronnet, nubbin boahta ladni, dasto viehki ja heavuš, ja de loahpas easkka reanga. Dat árvoštallan doalla deavasa go ovttaid-ovttaid geahčáda gáhppalagaid, muhto spealus lea davja nu ahte dilálašvuodaid geažil lea gievrat gáhppalat massan ollu iežas návccain ja heajut gáhppalat fas gievrarabun šaddan. Gonagas, ovdamearka dihtii, sáhtta loahppaspealus leat merrejeaddji gievrá, vaikko vel lea ge muduid hui návccahis gáhppalat, maid buot nuppeivnnat gáhppalagat geahčálit heakkahuhtit. Jos nubbi spealliin gálggaš nagadit vuoitit, de ferte sus leat goit ge reanga - dahje viehki ja heavuš. Guvttiin hehpošiin i leat vejolaš vuostevnnat gonagasa veagal máhttet, dat lea: jos dat ieš i vulgges čiehkarkuktai.

Muhto mas berre álgoálgi váruhit iežas? Das namalassi, ahte spealu álggadettiin i sirdde menddo ollu reangaid, muhto baicca doap-

mala sirdit iežas offiseraid heivvolaš ruvtaide, gos sáhttet váikkuhit spealu. Go guokte dahje golbma reanga lea sirdan dan vida—logi vuosttemuš sirdosis, de berre leat oalle duhtavaš. Jos reangavidjji menddo ollu botke, de lea baha ahte falleheaddji veagat álkit besset gonagasa ala meahttit.


Juoida maid álgoálgi vel berre muitit, lea ahte f2- ja f7-reanggat leaba hui návccaheamit, go sudnos lea dušše gonagas gáhttejeaddjin.

Danne ferte váruhit amaset vuostevnnat veagat dan ala nagadit bahkket. Mi čájehit dál ovdamearkan spealu mas f7-reanga fallehalla.

SICILIALÁŠ SPEALLU

1. e4 c5 2. Hf3 e6 3. d4 cxd4 4. Hxd4 Rb6 5. Hb3 a5? 6. Hc3 a4 7. Ve3 Rd8 8. Hd4 Hf6 9. e5 Hd5 10. Hxd5 exd5 11. Hb5 Hc6 12. Rxd5 Ve7 13. a3 0-0 14. Vd3 g6 15. 0-0 b6 16. Vh6 La5 17.


Ve4 Le8? Geahča diagramma! Buoret livčii ladni sajis sirdit o.m.d. viehki g5-ruktai. 18. Rxf7 Gxf7 19. Vd5, ja čáhppat lea máhttas.



Dá lea nubbi speallu mi čájeha man rášši f2-reanga duodaid lea

ESPANNJALÁŠ SPEALLU

1. e2 e5 2. Hf3 Hc6 3. Vb5 a6 4. Va4 Hf6 5. 0-0 b5 6. Vb3 Vb7 7. Le1 Ve5 8. c3 Hg4! 9. d4 exd4 10. cxd4?



Hxd4 11. Hxd4 Rh4! 12. Hf3 Rxf2+ 13. Gh1 Rg1+ 14. Lxg1 Hg2, ja máhtta. Vielgat i oaidnan dán buvahušmáhta.